

आकाशवाणी

खबरां जगमोहन शर्मा कोला

1. केंद्री गृह मंत्री अमित शाह होर अज्ज लैंड पोर्ट मैनेजमेंट सिस्टम एल.पी.एम.एस दी शुरूआत करडन।
2. अंतरराष्ट्री ब्रिक्स कृषि सम्मेलन अज्ज मध्यप्रदेश दे इंदौर च शुरू होआ'रदा ऐ।
3. होमुर्ज जलडमरूमध्य दे दक्खन च M.t. Marivax जहाज पर लग्गी दी अग्ग दे बाद 24 भारी नावकें गी सुरक्षित बचाई लैता गेआ ऐ।
4. ईरान ते इजराइल नै इक दुए पर हमले रोकने दी घोशणा कीती ऐ, पर कन्नै गै चेतावनी बी दिती ऐ जे संघर्ष विराम दी कुसै बी चाल्ली दी खलाफवर्जी पर कोई संयम नेई बरतेआ जाहग।
5. अमरीका दी इक अदालतै H-1-B वीजा लेई दरखास्तें पर लाई गेदी 1 लक्ख अमरीकी डालर दी फीस गी गैर कनूनी करार दिताऐ।
6. भारत, श्रीलंका ते अफगानिस्तान दिएं ए टीमैं बश्कार तरकोणी श्रृंखला दा पैहलामैच अज्ज भारत ते श्रृंखला बश्कार खेड्ढेआ जाहग।

## HM-LPMS

केंद्री गृह मंत्री अमित शाह होर अज्ज नमीं दिल्ली च लैंड पोर्ट मेनेजमेंट सिस्टम एल.पी.एम.एस दी शुरूआत करंगन। एहदा मकसद प्रौद्योगिकी आधारित हल राएं सीमा पार बपार ते यात्रिं दी आओजाई गी मता सौक्खा पारदर्शी ते सुरक्षित बनाना ऐ। एह गैंs स्मार्ट सीमा प्रबंधन प्रति सरकार दी बचनबद्धता गी बी दर्शादी ऐ। एल.पी.एम.एस इक डिजिटल मंच ऐ जेड़ा सारे लैंड पोर्ट्स गी किट्ठे इक सरिस्ते तैहत लेइये औग।

<><><><><><><><>

## BRICKS

अंतरराष्ट्री ब्रिक्स कृषि सम्मेलन अज्ज मध्य प्रदेश दे इंदौर च शुरू होआ'रदा ऐं इस सम्मेलन च 21 मुख्यें दे कृषि मंत्री, वरिष्ठ अधिकारी ते माहिर हिस्सा लै करदे न जिंदे च ब्राजील, चीन, रूस ते दक्खन अफ्रीका जेड़े ब्रिक्स संगठन दे प्रमुख मुख्य न दे अलावा होर केई राष्ट्र बी शामिल न। इस सम्मेलन दा मकसद कृषि क्षेत्र च सहयोग, बनवाचार गी बढ़ावा देना ते खाद्य सुरक्षा गी निगगर बनाना ऐ।

<><><><><><><><>

## AP-ACC

आंध्र प्रदेश दे विशाखापत्नम इस्पात संयंत्र च कल संझा लगगी दी अगग च 8 लोकें दी मौत होई गई ते 6 होर घायल होई गए न। इस्पात मंत्रालय मूजब मते

पिछले इस्पात दी ढलाई प्रक्रिया दरान एह हादसा होआ। घायलें गी इलाज लेई अस्पताल पजाया गेआ ऐ।

<><><><><><><><>

### AD Acc Ex Gratia

केंद्री इस्पातल मंत्री एच.डी कुमारस्वामी ते नागरिक उड्डयन मंत्री राम मोहन नायडू होरें कल रातीं हादसे आहली थाहर दा दौरा लाया। कुमार स्वामी होरें मारे गेदे लोकें दे नेड़में रिश्तेदारें गी 25 लकख रपे दी सहायता राशि देने दी घोशणा कीती ऐ। राष्ट्रपति सी.पी राधाकृष्णन ते प्रधानमंत्री नरेंद्र मोदी होरें घटना पर दुख ते बसोस जाहिर कीता ऐ।

<><><><><><><><>

### Reddy Coal Record

कोयले ते खान्ने सरबंधी केंद्री मंत्री डी. किशन रेड्डी होरें आखेआ ऐ कि प्रधानमंत्री नरेंद्र मोदी हुंदे नेतृत्व च पिछले 12 बरें च मुख्यै दे कोयले ते खनन दे खेतर च व्यापक बदलाव होआ ऐ। कल हैदराबाद च इक संवाददाता सम्मेलन गी संबोधित करदे होई रेड्डी होरें आखेआ कि भारत दा कोयला उत्पादन 1 अरब टन तगर पुज्जी गेआ ऐ ते भारत दुनिया दा दूआ सबनें शा बड्डा कोयला उत्पादक मुख्य बनी गेआ ऐ। उनें दस्सेआ कि कोयला क्षेत्र च करीब 5 लकख लोकें गी परतकख तौरा पर ते 25 लकख होरनें गी अपरतकख रूपै च कम्म-रोजगार हासल होआ ऐ। मंत्री होरें आखेआ कि पिछले दो बरें च बाहरले मुख्यै

थमां बी पैहलेदे मकाबले घट्ट कोयला मंगाया गोआ ऐ जेदे नै 60 जहार करोड़ रपे दी बचत होई ऐ।

<><><><><><>

### Indian-Sea Farmers Oman

ओमान दे मस्कट स्थित भारती दूतावास नै इस गल्लै दी तस्दीक कीती ऐ जे होमुर्ज जलडमरूमध्य दे दक्खन च एम.ओ मेरीवैक्स जहाज पर लग्गी दी अग्ग दे बाद 24 भारती नावकें गी सुरखित बचाई लैता गोआ ऐ। दूतावास नै ओमान दी तुरत कार्रवाई लेई आभार प्रगट कीता ऐ। एहदे शा पैहले जलमार्ग ते बंदरगाहें सरबन्धी मंत्रालय दे प्रवता ओपेश कुमार शर्मा होरें जानकारी दिती ही जे कल दपैहरी डेढ क बजे जहाजै च अग्ग लग्गने दी सूचना थहोई ही।

<><><><><><>

### Iran-Israel

ईरान ते इजराइल नै इक-दुए खलाफ हमले रोकने दी घोशणा कीती ऐ। एह जानकारी सबनै शा पैहले अमरीका दे राष्ट्रपति डाननल्ड ट्रम्प होरें दिती। उनें सोशल मीडिया पोस्ट पर आखेआ कि तुरत संघर्ष विराम करने दी उंदी अपील पर दवें मुख्य एहदे लेई राजी होई गए न। ट्रम्प होरें आखेआ कि दवें धड़े तुरत प्रभाव कन्नै संघर्ष विराम ते शांतिवार्ता दी दिशा च अगड़े बधै करदे न पर कन्नै गे दौनें मुख्खें एह चेतावनी बी दिती ऐ जे युद्ध विराम दी कुसै बी चाल्ली दी खलाफवर्जी होने पर संघर्ष विराम पर कायम रौहने लेई मजबूर नेई रौहंगन।

इजराइल दे प्रधानमंत्री बेंजामिन नेतनयाहू होरें आखेआ ऐ कि उंदी फौज नै ईरान पर हमले रोकी दिते न पर जेकर ईरान परतिय हमला करदाऐ ते इजराइल सख्त कार्रवाई करग।

<><><><><><>

### US Court H-1-Visa

अमरीका दी इक अदालतै एच वन बी वीजा लेई दरखास्तें पर लाई गेदी इक लक्ख अमरीकी डालर फीस गी गैर कन्नूनी करार दिता ऐ। एह फीस राष्ट्रपति डानल्ड ट्रम्प हुंदे हुकमै पर लाने दा प्रस्ताव रक्खेआ गेआ हा। अदालतै आखेआ ऐ कि अमरीकी कांग्रेस दी मंजूरी दे बिजन ऐसा कोई शुल्क नेई लाया जाई सकदा। अमरीका च भारती मूल दे कई संगठनें अदालतै दे इस फैसले दा सुआगत कीता ऐ। उंदा आखना ऐ कि एहदे नै एच 1 बी वीजा कन्नै जुड़े दे लोकें गी राह थहोग।

<><><><><><>

### Cricket

मर्दे दे क्रिकेट च अज्ज अफगानिस्तान 'ए' भारत 'ए' ते श्रीलंका 'ए' बश्कार तरकोणी श्रृंखला दा पैहला मैच श्रीलंका दे रंगिरी दांबुला इंटरनेशनल स्टेडियम च भारत ते श्रृंखला बश्कार बड्डलै 10 बजे खेडेआ जाहगं भारत 'ए' दा अगला मकाबला इस्सै मदान पर अफगानिस्तान 'ए' कन्नै अतरुं वीरवारें खेडेआ जाहग। भारती टीम दी कप्तानी तिलक वर्मा करा करदे न।

<><><><><><>

## Women-Cricket

ते हून महिला क्रिकेट। आईसीसी महिला टी-20 विश्व कप 2026 कोलापैहले खेड्ढे गेदे एंट पखाने आहले यानि वार्मअप मैच च भारत नै वेस्ट इंडीज गी 26 रन कन्नै हराई दिता। ब्रिटेन दे कार्डिफ च कल खेड्ढे गेदे इस मकाबले च भारत नै पैहले बल्लेबाजी करदे होई 20एं ओवरें च 8 विकेटें दे नुकसान पर 179 रन बनाए। वेस्ट इंडीज दी टीम 20एं ओवरें च 8 विकेटां मोहाइयै 153 रन गै बनाई सकी।

<><><><><><>

## IMD

भारती मौसम विभाग नै भारत दे उत्तर पच्छमी ते उत्तरी राज्यें च अज्ज जबरदस्त गर्मी पौने दी पेशनगोडू कीती दी ऐ जिंदे च राजस्थान, विदर्भ बी शमल न। कौंाण ते गोवा, तमिलनाडू, पुदुचेरी ते कराईकल च अज्ज गुम्मे आहली गर्मी पौने दे असार न जिसले कि कर्नाटक दे समुंद्रै कन्नै लगदे इलाकें, केरल, माहे, उत्तरी ते दक्खन कर्नाटक च अज्ज भारी बरखा होई सकदी ऐ।

<><><><><><>